

# **I N F O R M A C I J A**

**O RADU VLADE TUZLANSKOG KANTONA  
ZA PERIOD 10. FEBRAR – 20. MAJ 2011. GODINE**

---

**Tuzla, maj 2011. godine**

## UVOD

Odlukom Skupštine Tuzlanskog kantona (*dalje u tekstu: Skupština TK-a*) od 10. 02. 2011. godine, na prijedlog mandataru Seada Čauševića, potvrđeno je imenovanje Vlade Tuzlanskog kantona (*dalje u tekstu: Vlada TK*) za mandatni period 2011. - 2014. godina.

Na osnovu Ekspozea premijera Seada Čauševića, te ciljeva i zadataka stranaka potpisnica „Platforme“, kao i programa rada svih 12 ministarstava koje su zasnovane na realnim potrebama građana ovog Kantona donesen je Program rada Vlade TK-a za 2011. godinu.

U periodu od 10.02. do 20.05.2011. godine Vlada TK održala je 12 sjednica, od čega 9 redovnih i 3 vanredne sjednice.

U posmatranom periodu Vlada TK-a razmatrala je ukupno 163 tačke dnevnog reda, po kojima su donesene 180 mjere (nacrti i prijedlozi zakona, odluke, izvještaji, analize, programi, zaključci, mišljenja...).

Obrađivač najviše tačaka bilo je Ministarstvo obrazovanja, nauke, kulture i sporta. U okviru 20 tačaka dnevnog reda čiji je obrađivač bilo ovo Ministarstvo, donesene su 22 mjere, među kojima i 1 nacrt Zakona i 2 prijedloga Zakona.

Kao obrađivači materijala koje je razmatrala Vlada Kantona u navedenom periodu slijede:

- Ministarstvo finansija bilo je obrađivač 18 tačaka, po kojima su donesene 33 mjere, među kojima i 1 Zakon i Budžet Tuzlanskog kantona za 2011. godinu;
- Ministarstvo poljoprivrede, šumarstva i vodoprivrede bilo je obrađivač 13 tačaka, po kojima je doneseno 12 mjera;
- Ministarstvo industrije, energetike i rudarstva bilo je obrađivač 11 tačaka, po kojima je doneseno 14 mjera, među kojima i 1 Zakon;
- Ministarstvo za rad i socijalnu politiku bilo je obrađivač 11 tačaka, po kojima je doneseno 13 mjera;
- Ministarstvo za boračka pitanja bilo je obrađivač 10 tačaka, po kojima je doneseno 10 mjera;
- Ministarstvo prostornog uređenja i zaštite okoliša bilo je obrađivač 9 tačaka, po kojima je doneseno 8 mjera, među kojima su i 3 Zakona;
- Ministarstvo zdravstva bilo je obrađivač 8 tačaka, po kojima je doneseno 8 mjera;
- Ministarstvo za obnovu, razvoj i povratak bilo je obrađivač 7 tačaka, po kojima je doneseno 8 mjera;
- Ministarstvo trgovine, turizma i saobraćaja bilo je obrađivač 7 tačaka, po kojima je doneseno 9 mjera;
- Ministarstvo unutrašnjih poslova bilo je obrađivač 6 tačaka, po kojima je doneseno 7 mjera, među kojima i 1 Zakon;
- Ministarstvo pravosuđa i uprave bilo je obrađivač 5 tačaka, po kojima je doneseno 5 mjera, među kojima i 1 Zakon;

**Vlada Tuzlanskog kantona razmatrala je 7 tačaka bez posebnog obrađivača, a za preostale tačke kao obrađivači su navedeni:**

- Kadrovska komisija Vlade Kantona bila je obrađivač 3 tačke, donesene su 3 odluke i 28 rješenja;
- Kantonalna uprava civilne zaštite bila je obrađivač 5 tačaka;
- Ured Premijera bio je obrađivač 5 tačaka;
- Ured Vlade bio je obrađivač 4 tačke;
- Ured za zajedničke poslove kantonalnih organa bio je obrađivač 2 tačke;
- Ured za internu reviziju bio je obrađivač 1 tačke;
- Kantonalna agencija za privatizaciju bila je obrađivač 1 tačke;
- Zavod zdravstvenog osiguranja bio je obrađivač 1 tačke;
- JP RTV TK bila je obrađivač 1 tačke;

- Univerzitetsko klinički centar TK je bio obrađivač 1 tačke;
- JU Univerzitet u Tuzli je bio obrađivač 1 tačke;
- Zavod za javno zdravstvo je bio obrađivač 1 tačke;
- JP Međunarodni aerodrom Tuzla je bio obrađivač 1 tačke;
- JU Veterinarski zavod TK je bio obrađivač 1 tačke;
- Direkcija cesta Tuzla je bila obrađivač 1 tačke;
- JU Služba za zapošljavanje je bila obrađivač 1 tačka;
- Komisija za koncesije je bila obrađivač 1 tačke;
- Savjet za nevladin sektor i pitanje mladih je bio obrađivač 1 tačke;
- NLB Tuzlanska banka je bila obrađivač 1 tačke.

## REALIZACIJA PROGRAMA RADA

Premijer Sead Čaušević i ministri u Vladi TK-a su i više nego zadovoljni onim što su uradili za prvih sto dana vlasti. Vlada TK-a je pokazala jedinstvo i odlučnost za pokretanje reformskih procesa koji vode normalizaciji Budžeta TK-a, te stvaranju povoljnog ambijenta za saniranje stanja u svim granama privrede, a sve sa ciljem otvaranja novih radnih mjesta, kao i reformi u oblasti obrazovanja, zdravstva, prostornog uređenja i zaštiti okoliša, boračko-invalidskoj zaštiti, oblasti turizma i trgovine. Poseban akcent je stavljen na saobraćajnu „deblokadu“ Tuzlanskog kantona kroz rekonstrukciju postojeće i izgradnju nove putne infrastrukture, kao i osposobljavanje JP Aerodroma Tuzla za CARGO saobraćaj.

Vlada TK-a je u navedenom periodu usvojila 67 mjera i 14 Zakona (dio tekstova utvrđen u nacrtu i prijedlogu, a dio je samo u nacrtu i trenutno se provodi javna rasprava), te više Programa i Pravilnika, kao i niz izvještaja, informacija i planova.

U prvih stotinu dana urađena je analiza postojećeg stanja u Vladi TK-a i njenim upravnim organizacijama, javnim preduzećima i ustanovama, na osnovu kojih su Premijer i članovi Vlade TK-a donijeli niz mjera i odluka kojim su unaprijedili rad Vlade u cijelini, te usvojili set mjera za unutrašnju uštedu finasijskih troškova, kao što je:

- Zakon o izmjenama i dopunama Zakona o ministarstvima i drugim organima uprave TK;
- Odluka o prodaji dijela službenih vozila;
- Pravilnik o korištenju službenih vozila i vođenju evidencije o utrošku goriva;
- Odluka o provođenju postupka zajedničkih javnih nabavki za 2011. godinu.

Vlada TK-a je pokrenula aktivnosti oko kupovine objekta za smještaj onih ministarstava za koje plaća zakupninu prostora, te unaprijeđenje komunikacije između ministarstva i organa uprave kroz IP telefoniju koja će dovesti do znatnih ušteda za izdatke telefonskih usluga.

U toku je obuka dijela uposlenika iz svih 12 ministarstava na temu „Strateškog planiranja“ u cilju upoznavanja sa popunjavanjem aplikacija za međunarodne projekte. Edukacija se vrši u saradnji sa Nerdom i Misiom OSCE BiH u Tuzli.

Preko Ureda Premijera TK-a vode se aktivnosti na međunarodnoj saradnji i regionalnom povezivanju radi zajedničkog apliciranja predpristupnim i pristupnim fondovima Evropske unije i privlačenju stranih investicija.

## **Ministarstvo za rad i socijalnu politiku**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Završen obilazak i sagledavnje stanja JU Centar za socijalni rad u svih 13 općina u TK-a, na osnovu čega je izrađena Analiza koja će poslužiti u cilju efikasnijeg rada sa primarnim ciljem preventivnog djelovanja u nastanku stanja socijalnih potreba, socio-patoloških pojava i što efikasnijem odgovoru na zahtjeve i potrebe lica i porodica u stanju socijalne potrebe.
- Pokrenut je rad Ekonomsko-socijalnog vijeća sa ciljem ekonomskog razvoja, socijalne stabilnosti i sigurnosti na prostoru TK-a.
- Pripremljen Elaborat o društvenoj opravdanosti za donošenje Zakona o osnivanju JU (CROPS) Centar za rehabilitaciju ovisnika o psiho-aktivnim supstancama.
- Pripremljen je prijedlog za projektni zadatak „Snimanje socijalnog stanja građana na području jedne općine TK-a“.
- Pripremljen je Nacrt Zakona o izmjenama i dopunama Zakona o socijalnoj zaštiti, zaštiti CZR-a i zaštiti porodice sa djecom.
- Izvršene su sve pripreme za transformaciju Ministarstva i proširenje za Odjeljenje za povratak koje je u sastavu Ministarstva za obnovu, razvoj i povratak.
- U JU Služba za zapošljavanje TK-a održan je sastanak sa šefovima biroa za zapošljavanje, na kojem se raspravljalo o problemu nezaposlenosti, te potrebi pojačane kontrole evidencija i prijave lica koja traže posao, uz posebnu opservaciju strukture nezaposlenih, obim prava i problema neisplaćenih novčanih potraživanja od strane demobilisanih boraca.
- Odluka o visini dječijeg dodatka za djecu iz porodica u kojima ni jedan roditelj nije zaposlen za 2011. godinu.
- Program raspodjele sredstava jednokratnih novčanih pomoći za 2011. godinu.
- Program raspodjele sredstava za materijalno zbrinjavanje lica u stanju socijalne potrebe za 2011. godinu.
- Ministarstvo je predložilo, a Vlada usvojila Odluku o obrazovanju stručnog tima za izradu Akcionog plana zapošljavanja u TK za period 2011 – 2013. godine.
- U saradnji sa Ministarstvom za industriju, energetiku i rudarstvo aktivno se radilo na rješavanju statusa Fabrike obuće „AIDA“ DOO Tuzla u namjeri obezbjeđenja socijalne sigurnosti za uposlene.
- Pokrenuta je inicijativa sa ZZO TK-a i poslovnicom PIO/MIO u TK-a za rješavanje pitanja zdravstvenog osiguranja za lica koja ispunjavaju uslove za penziju i lica koja su u postupku ocjene radne sposobnosti.

## **Ministarstvo industrije, energetike i rudarstva**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Na 3. vanrednoj sjednici Vlade TK-a donesen je Zaključak kojim je zaduženo Ministarstvo industrije, energetike i rudarstva TK-a da u skladu sa Budžetom TK-a za 2011. godinu donese Odluku o odobravanju finansijskih sredstava na ime pomoći zaposlenicima u privrednim društvima sa većinskim državnim kapitalom iz resorne nadležnosti, koja nisu u mogućnosti vršiti redovnu uplatu doprinosa za obavezno zdravstveno osiguranje.
- Vlada TK-a je donijela Zaključak kojim je osim konstatacije teškog i složenog stanja u Fabrici obuće „Aida“ i obavezivanja na aktivno učešće u pogledu rješavanja problematike u ovoj fabrici, u pogledu rada menadžmenta i zahtjeva Sindikata, zadužila resorno ministarstvo

da prati rad Ekspertnog tima i da Elaborat o stanju u Fabrici blagovremeno uputi Vladi. Ekspertni tim je završio izradu programa restrukturiranja i isti je na zahtjev radnika FO biti dopunjen Anketnim listom i pojedinačnim izjašnjenjem uposlenika o njihovom statusu i daljem radu fabrike a na osnovama nalaza Ekspertnog tima.

- Na bazi Javnog poziva za socijalno zbrinjavanje uposlenika resorno Ministarstvo je izdvojilo 700.000,00 KM. Sredstva su prebačena na JU Služba za zapošljavanje TK, čime će biti riješeno pitanje penzionisanja za oko 60. uposlenika D.D. „Aida“.
- Vlada TK-a utvrdila je na prijedlog resornog ministarstva Zakon o izmjenama i dopunama Zakona o koncesijama.
- Sporazum o međusobnoj saradnji su potpisali predstavnici Vlade Tuzlanskog kantona i Kantonalnog odbora Saveza samostalnih sindikata BiH Tuzlanskog kantona.
- Prihvaćen Program i data saglasnost na Odluku resornog ministarstva o utvrđivanju uslova za korištenje sredstava sa potrošačke jedinice „Intervencije javnim preduzećima i privrednim društvima“. Ovom Odlukom utvrđuju se uslovi za korištenje budžetskih sredstava za ove namjene kriteriji za raspodjelu sredstava u visini od 3,500.000,00 KM.
- Ministarstvo je pripremlilo 2 informacije: Informaciju o stanju u industriji, energetici i rudarstvu sa ostvarenim rezultatima u poslovanju i Informaciju o radu nadzornih odbora u privrednim društvima sa većinskim državnim kapitalom.
- Na inicijativu Vlade TK-a, ovo ministarstvo je reliziralo Sporazum o konzorciju metalske industrije TK. Podrška je dobivena od strane sindikata i menadžmenta preduzeća metalnog sektora sa TK-a. **To** je prvi konzorciji ovakve vrste u Bosni i Hercegovini.
- U proceduri nacрта su i dva zakona: Zakon o rudarstvu i Zakon o geološkim istraživanjima.

## **Ministarstvo zdravstva**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Primarni zadatak resornog Ministarstva je provođenje reforme iz oblasti porodične medicine u skladu sa zakonom i podzakonskim aktima, čijim ostvarenjem bi se obezbijedilo unapređenje kvaliteta, pristupačnost i ujednačenost korištenja primarne zdravstvene zaštite.
- Stručni tim ovog Ministarstva je Stručni tim je na osnovu analize utvrdio prijedloge i aktivnosti za predstojeću registraciju osiguranih lica koja počinje 01.06.2011. godine. Registracija će omogućiti ostvarivanje prava osiguranih lica na slobodan izbor doktora, u skladu sa Pravilnikom o načinu ostvarivanja prava na slobodan izbor doktora medicine i doktora stomatologije primarne zdravstvene zaštite. Ministarstvo vodi aktivnosti za objavljivanje javnog poziva za registraciju i vrši pripreme za kampanju.
- Na preporuku Federalnog ministarstva zdravstva, ovo Ministarstvo je donijelo slijedeće mjere na boljem funkcionisanju i organizaciji sektora zdravstva: Mjera 1. - S ciljem osiguranja potrebne dostupnosti zdravstvene zaštite, specijalističko-konsultativna djelatnost iz opšte interne medicine, opšte hirurgije, neurologije, otorinolaringologije, oftalmologije, ortopedije, dermatologije i radiološke dijagnostike primarnog nivoa organizuje se tako da je korisnicima dostupna u općini njihovog prebivališta saglasno članu tački VII Odluke o utvrđivanju osnovnog paketa. Mjera 2. - Proširiti listu usluga laboratorijske dijagnostike. Mjera 3. - Olakšati pacijentima provođenje laboratorijske dijagnostike transportom uzoraka do najbliže laboratorije. Mjera 4. - Revizija Federalne esencijalne liste lijekova, ujednačavanje pozitivnih listi lijekova Kantona sa revidiranom Federalnom listom i ujednačavanje cijena lijekova koje će biti bazirane na sistemu referalnih cijena. Mjera 5. Koronarografije bez ugrađenog stenta se prevode na kantonalni nivo i potrebno je obezbijediti sredstva. Mjera 6. - Informatizacija sektora zdravstva Federacije BiH.

- Ministarstvo je pripremilo i dalo Vladi na usvajanje Izvještaj o radu ministarstva za 2010., Informacija o obezbjeđenju rezervi krvi na prostoru TK-a, Izvještaj o poslovanju Zavoda za javno zdravstvo TK i Izvještaj o radu i poslovanju UKC Tuzla za 2010.
- Formiran je Stručni tim za analizu problematike propisivanja i izdavanja lijekova na recept iz obaveznog zdravstvenog osiguranja.
- Po Zaključku Vlade TK-a Ministarstvo je pripremilo prijedlog Odluke o izmjenama i dopunama Odluke o utvrđivanju cijena lijekova sa Liste lijekova koji se propisuju i izdaju na teret sredstava Zavoda zdravstvenog osiguranja TK-a.
- Donesena je Odluka o uslovima i načinu za propisivanje lijekova za hronične bolesti.
- Odluka je donesena sa ciljem da se omogući racionalno i optimalno propisivanje terapije lijekova za određene hronične bolesti osiguranim licima za period od 90 dana. Odlukom su utvrđene vrste hroničnih bolesti i vrste lijekova koje se mogu propisati za period od 90 dana.

### **Ministarstvo prostornog uređenja i zaštite okolice**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Ministarstvo je pripremilo slijedeće zakone: zakon o prostornom uređenju i građenju i Zakon o osnivanju JU Zaštićeni pejzaž „Konjuh“. Oba zakona su usvojena na Skupštini TK-a. U fazi prijedloga je Zakon o izmjenama i dopunama Zakona o uslovima i postupku legalizacije bespravno izgrađenih građevina.
- Urađena Informacija o efektima primjene Zakona o uslovima i postupku legalizacije bespravno izgrađenih građevina.
- Donesena Odluka o utvrđivanju uslova, kriterija i postupaka za raspodjelu namjenskih sredstava iz ekoloških naknada.
- Donesen Program raspodjele namjenskih sredstava Ministarstva za 2011. godinu.
- Iniciran, a od strane Vlade TK-a, prihvaćen Zaključak kojim se traži od Vlade Federacije stavljanje van snage Uredbe o posebnim naknadama za okoliš koje se plaćaju pri registraciji motornih vozila.
- Postupajući po Zaključku Vlade TK-a, u okviru Radne grupe, pripremljeno više informacija sa predmjerom i predračunom građevinskih i zanatskih radova za rekonstrukciju zgrade za potrebe Vlade u Rudarskoj 65., sa procjenom sredstava za nadogradnju iste.

### **Ministarstvo za obnovu, razvoj i povratak**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Uvedene su mjere štednje, (izmjenama Pravilnika i promjenom u organizaciji) a koje se odnose na troškove: upotrebe automobila, utroška goriva i dnevnica, te materijalne troškove i troškove telefona. Troškovi su smanjeni za 51 % u odnosu na isti period prošle godine.
- Inicijativa za Izmjenu Zakona o Ministarstvima. Osnovana Interresorna grupa koja je pripremila, a Vlada i Skupština usvojile Nacrt Zakona o izmjenama Zakona o ministarstvima. Izmjena se odnosi na premještanje Odjeljenja za raseljena lica i povratak u Ministarstvo za rad i socijalnu politiku. Cilj izmjene je uspostava i jačanje Ministarstva za razvoj i poduzetništvo, kao neophodne pretpostavke unaprijeđenje poduzetničke klime kao osnova za otvaranje novih radnih mjesta.

- Aktivno učešće Ministarstva na Sajmu u Gračanici kroz učestvovanje na Konferenciji „Poduzetničke zone i inkubatori – Modeli, iskustva, prilike i prepreke za razvoj“
- Kontakt sa trenutnim i potencijalnim partnerima: CHF Švicarska, UNDP USA, Usaid USA, SIDA Švedska, Evropska Komisija, Ministarstvo finansija BiH, Federalno ministarstvo za razvoj i poduzetništvo, Privredna Komora, Obrtnička Komora (podrška na sajmu, sastanak sa Sekretarom Federalne Obrtničke komore), Institut za zavarivanje.
- Rad na izradi Strateškog plana Ministarstva u organizaciji Nerda sa konsultantima iz Everest consultinga i na pripremi Projektnog zadatka vezanog za uspostavljanje Info-pulta za poduzetništvo.
- Analiza realiziranih mjera poticaja u periodu do 2010., te priprema novih koje će se primjenjivati od ove godine kao što su: novi model subvencije kamate, obezbjeđenje sredstava potrebnih za apliciranje kod drugih donatora, poticaj poduzetničkim zonama, grantovi drugim nivoima vlasti za podršku poduzetništvu.
- Učestvovanje u organizaciji 2 sastanka na temu „ Podrška ugroženim korisnicima kolektivnih i alternativnih oblika smještaja (FMROI, TK, UNHCR, Posavski Kanton, Hilswerk, CRS, općine TK).
- Prisustvo na sastanku u Federalnom ministarstvu raseljenih osoba i izbjeglica na temu „Analiza stanja svih korisnika smještenih u kolektivnom i alternativnom smještaju na području TK kao i analiza Projekta „Povratak iz FBiH na područje RS“ i „Povratak raseljenih osoba sa boravištem u FBiH u općine na području BiH“.
- Program raspodjele sredstva za podršku povratku prognanika.
- Započete aktivnosti na izradi Budžeta TK-a za 2011-2014
- Priprema nove organizacione strukture (nacrt pripremljen) novo Ministarstva u duhu najboljih praksi iz okruženja a s ciljem da se postigne što veća efikasnost i ekonomičnost.

### **Ministarstvo poljoprivrede, šumarstva i vodoprivrede**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Pokretanje inicijative za donošenje Programa gospodarenja državnim poljoprivrednim zemljištem kod općina TK-a na čijem se području nalazi državno poljoprivredno zemljište.
- Veći angažman po pitanju dodjele koncesija na prirodnim resursima koji su u nadležnosti ovog Ministarstva.
- Odluka o utvrđivanju kriterija o utrošku sredstava za novčane podrške u primarnoj poljoprivrednoj proizvodnji.
- Učešće u pripremi nacrta Zakona o šumama.
- Program mjera zdravstvene zaštite životinja na TK-a za 2011. godinu.
- Program ulaganja sredstava vodoprivrednih naknada u oblasti vodoprivrede na području TK-a.

## **Ministarstvo pravosuđa i uprave**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Pripremljeno Zakon o izmjenama i dopunama zakona o ministarstvima i drugim organima uprave TK-a.
- Donesena 3 provedbena propisa iz oblasti pravosuđa.
- Formirana je jedinstvena Komisija za javne nabavke za sva kantonalna ministarstva, što je važan korak u reorganizaciji uprave TK-a, koju na prijedlog Vlade TK-a vodi ovo Ministarstvo.
- Ostvarena saradnja u oblasti pravosuđa i uprave sa predstavnicima VSTV-a, UNDP-a, OSCE-a i Federalnog ministarstva pravde.

## **Ministarstvo za boračka pitanja**

Ministarstvo je obezbjedilo kontinuiranu primjenu Zakona o dopunskim pravima branitelja i članova njihovih obitelji i provedbenih propisa, a koji imaju za svrhu zaštitu branilaca i članova njihovih porodica.

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Donošenje niza programa i kriterija za korištenje sredstava za korisnike Ministarstva u 2011. godini.
- Program obilježavanja značajnih datuma, događaja i ličnosti na području TK-a sa rasporedom sredstava u 2011. godini.
- Odluke o dodjeli stana članu šehidske porodice iz Kalesije i 100 % ratnom vojnom invalidu iz Lukavca.
- Ministarstvo je u prvih 100 dana izdvojilo 624.614,83 KM obaveza po osnovu dopunskih prava boraca i njihovih porodica (obavezno zdravstveno osiguranje, ortopedska pomagala, banjsko liječenje, stipendije, pomoć u slučaju smrti, jednokratne pomoći...).

## **Ministarstvo trgovine, turizma i saobraćaja**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Pripremljen je Nacrt Zakona o cestovnom prijevozu na području TK-a.
- Urađen je i od Vlade TK prihvaćen Plan mjera za prevazilaženje teškoća sa kojim se u radu suočava JP Aerodrom Tuzla, te tim u vezi i projekat MAT – regionalni CARGO centar sa AIRPARKOM.
- Pokrenut je proces prekategoriacije cesta na području TK-a, što je veoma značajno ako se zna da se na tome nije radilo zadnjih 15 godina.



- Na prijedlog Ministarstva, Vlada TK-a je donijela Odluku o raspuštanju Skupštine TZ TK-a.
- Izrađen je Nacrt Zakona o ugostiteljstvu TK-a.
- Započet je rad na Nacrtu Zakona o turističkoj djelatnosti TK-a.
- Ministarstvo redovno prati stanje cijena osnovnih prehrambenih proizvoda na području TK-a.
- Ministarstvo je aktivno uključeno u realizaciju projekta izgradnje petlje Šićki Brod i brze ceste do Bolnice Kreka, te priprema oko realizacije auto puta Tuzla – Brčko – Orašje.

### **Ministarstvo unutrašnjih poslova**

Osnovni strateški cilj iz oblasti unutrašnjih poslova jeste da se maksimalnim angažovanjem svih raspoloživih resursa MUP TK-a unaprijedi ukupno stanje lične i imovinske sigurnosti i zaštite ljudskih prava građana TK-a, te pruži zadovoljavajući nivo kvaliteta usluga građanima u upravno-pravnim i drugim poslovima iz djelokruga ovog Ministarstva.

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Usvojene predložene izmjene i dopune Zakona o unutrašnjim poslovima TK-a.
- Donesena Uredba o osiguranju određenih ličnosti i objekata u TK-a.
- Usvojen Pravilnik o privremenom eksternom premještanju policijskih službenika.
- usvojena Uredba o izmjenama i dopunama Uredbe o načinu i postupku utvrđivanja plaća, naknada i drugih materijalnih prava službenika i namještenika u organima uprave.
- Predložen Pravilnik o unutrašnjoj organizaciji MUP TK-a.
- Pripremljen Nacrt Zakona o izmjenama i dopunama zakona o javnom okupljanju TK-a.
- Ministar je izvršio obilazak svih policijskih uprava i stanica na području 13 općina TK-a.

### **Ministarstvo obrazovanja, nauke, kulture i sporta**

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Predložen Zakon o izmjenama i dopunama Zakona predškolskom odgoju i obrazovanju.
- Predložen Zakon o izmjenama i dopunama Zakona o Univerzitetu u Tuzli.
- Predložen Zakon o priznavanju inozemnih obrazovnih isprava.
- Predložen Nacrt Zakona o izmjenama i dopunama Zakona o osnovnom odgoju i obrazovanju.
- Predložen Nacrt Zakona o izmjenama i dopunama Zakona o srednjem odgoju i obrazovanju.
- Potpisan Aneks kolektivnog ugovora sa predstavnicima sindikata osnovnog i srednjeg obrazovanja TK-a.

- Usvojena Odluka o utvrđivanju uslova, kriterija i postupka za dodjelu kredita studentima dodiplomskog studija.
- Usvojene Odluke o utvrđivanju kriterija, uslova i postupaka za raspodjelu sredstava za:
  - izdavačku djelatnost,
  - kulturne manifestacije,
  - subvencioniranje prijevoza učenika osnovnih škola,
  - medije.
- Odluka o utvrđivanju uslova, kriterija i postupka dodjele sredstava za participaciju u troškovima učešća i organizovanja sportskih takmičenja i manifestacija invalidskom sportskim klubovima i savezima TK-a.
- Formirana Komisija za izradu elaborata o reorganizaciji osnovnih škola na području TK-a.
- Sufinansiranje brojnih sportskih, kulturnih i edukativnih projekata od značaja za TK-a.
- Vođenje aktivnosti oko Kampusa Univerziteta u Tuzli.
- Primljeno više predstavnika i delegacija nastavnika i menadžmenta osnovnih i srednjih škola, aktiva direktora, sindikata, udruženja i nevladinih organizacija, sportskih i kulturnih udruženja i ustanova.

### **Ministarstvo finansija**

Ministarstvo je u izvještajnom periodu radilo u skladu sa smjernicama i zaključcima Vlade TK-a i Zakonom o ministarstvima i drugim organima uprave TK-a, kojim su mu dati zadaci i poslovi iz oblasti finansijske politike, platnog prometa, poreske politike, osiguravajućih institucija i drugih poslova iz oblasti finansija na nivou TK-a, usaglašeno sa politikom koja se u ovoj oblasti sprovodi na nivou Fedracije Bosne i Hercegovine.

Pored svojih redovnih aktivnosti, Ministarstvo se naročito angažovalo na slijedećim aktivnostima:

- Utvrđen i usvojen Budžet Tk-a za 2011. godinu u iznosu od 396.574.169,15 KM.
- Ažurirani svi knjigovostveni podaci računa Budžeta TK-a.
- Unešena početna salda svih budžetskih korisnika u sistem glavne knjige na dan 01.01.2011.
- Obračun plaća se vrši centralizovano u Trezoru za sve budžetske korisnike.
- Podnesen Izvještaj o utrošku Budžeta TK-a za 2010. godinu i Izvještaj o utrošku tekuće rezerve Budžeta TK-a za isti period.
- Izvještaj o utrošku tekuće rezerve Budžeta TK-a za period 01.01. – 31.03.2011.
- Urađeno i podneseno je niz različitih finasijskih izvještaja, analiza i programa.

Uprkos deficitu koji je ovaj saziv Vlade TK-a naslijedio iz 2010. godine od cca 21.256.870,71 KM i jako složenih ekonomsko-finansijskih uslova poslovanja, TK-a je u navedenom periodu uredno izvršavao sve svoje zakonske obaveze i nadležnosti.

U prva četiri mjeseca, odnosno sa 30.04. 2011. ostvareni su:

- prihodi od 91.855.657,84 KM što je 77,42 % u odnosu na plan,
- rashodi po procjeni od 99.503.741,73 KM što je 83,70% u odnosu na plan.

## INFORMATIVNO-ANALITIČKA DJELATNOST

**U okviru analitičko-informativne djelatnosti Vlada TK-a je razmatrala niz izvještaja i informacija:**

1. Izvještaj o realizaciji programa ulaganja sredstava vodoprivrednih naknada u oblasti vodoprivrede na području TK-a za 2010. godinu,
2. Izvještaj o realizaciji i efektima novčanih podrški u primarnoj poljoprivrednoj proizvodnji za 2010. godinu,
3. Izvještaji o radu :
  - veterinarske službe i zdravstvenom stanju životinja za 2010. godinu
  - Kantonalne agencije za privatizaciju u 2010. godini
  - Kantonalnu upravu civilne zaštite u 2010. godini
  - JU Univerzitet u Tuzli
  - JP RTVTK
  - JP Međunarodni aerodrom Tuzla
  - JU Disciplinski centar za maloljetnike
  - Kantonalni Zavod za pružanje pravne pomoći
4. Elaborat o izvršenom popisu sredstava i izvora sredstava Budžeta TK za 2010. godinu
5. Izvještaj o realizaciji Programa poticaja za šumarstvo za 2010. godinu
6. Izvještaj o finansijskom poslovanju JU Veterinarski zavod TK u 2010. godini
7. Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2007. godini
8. Informacija o stanju obrta na području TK-a u 2010. godini
9. Informaciju o stanju u malim i srednjim preduzećima na području TK-a u 2010.godini
10. Izvještaji o izvršenju finansijskih planova
  - Zavoda zdravstvenog osiguranja,
  - UKC-a
  - Zavoda za javno zdravstvo
  - Službe za zapošljavanje TK
11. Analizu zdravstvenog stanja stanovništva TK-a i indikatore zdravlja u 2010. godini sa prijedlogom mjera
12. Informaciju o stanju u industriji, energetici i rudarstvu sa ostvarenim rezultatima poslovanja u 2010. godini
13. Informaciju o radu Nadzornih odbora u privrednim društvima u kojima prava i obaveze vlasnika državnog kapitala vrši Vlada TK-a
14. Informaciju o stanju u privrednim društvima u oblasti primarne poljoprivredne proizvodnje, prehrambene i drvne industrije
15. Informaciju o radu školskih odbora osnovnih i srednjih škola za 2010. godinu
16. Izvještaj o edukaciji u saobraćaju u toku 2010. godine
17. Izvještaj o izvršenju Budžeta TK-a za period 01.01. – 31.12.2010. godine
18. Izvještaj o utrošku tekuće rezerve Budžeta TK-a za period 01.01. – 31.12.2010.god.
19. Informacija o stanju sigurnosti na području TK-a u 2010. godini i mnoge druge.

## **Vlada Tuzlanskog kantona razmatrala je niz programa i planova za ovu godinu:**

1. Plan proljetne sjetve za 2011. godinu,
2. Program rada i Finansijski plan Direkcije cesta Tuzla za 2011. godinu,
3. Plan i program rada Savjeta za nevladin sektor i pitanja mladih za 2011. godinu,
4. Finansijski plan Zavoda zdravstvenog osiguranja TK za 2011. godinu,
5. Finansijski plan JU Služba za zapošljavanje TK za 2011. godinu,
6. Program rada Kantonalne uprave civilne zaštite za 2011. godinu,
7. Plan mjera za prevazilaženjem stanja u JP „Međunarodni aerodrom Tuzla“ Tuzla,
8. Plan upisa učenika u prvi razred srednjih škola TK-a za školsku 2011/2012 godinu.

## **OSTALE AKTIVNOSTI**

Osim navedenih Vlada TK-a je u ovom periodu 2011. godine, donijela nekoliko uredbi (Uredba o načinu korištenja službenih putničkih vozila i kontroli utroška goriva u kantonalnim organima), niz odluka, zaključaka, aneksa na ugovore i saglasnosti.

Ono što je posebno važno naglasiti je da je Vlada TK-a u posmatranom periodu razmatrala i rješavala i niz vanrednih pitanja, koja nisu planirana Programom rada niti Vlade niti Skupštine TK-a za 2011. godinu, a za koje se ukazala potreba da ih treba raspraviti i usvojiti.

U međuvremenu Vlada je formirala i tim za izradu Akcionog plana za zapošljavanje u skladu sa Strategijom zapošljavanja na području TK, kao i Radne grupe za sagledavanje stanja i prijedloga reformskih i drugih aktivnosti u oblasti obrazovanja, uprave i Budžeta TK.

Premijer i članovi Vlade TK-a su posjetili veći dio općina TK-a i tom prilikom se susreli sa predstavnicima zakonodavne i izvršne vlasti tih općina i njihovim privrednicima. Izražena je međusobna saradnja na realizaciji zajedničkih projekata od značaja i za Kanton i za općine.

Više informacija o aktivnostima Vlade TK-a u proteklih 100 dana možete preuzeti sa [www.vladatk.kim.ba](http://www.vladatk.kim.ba) ili u Odjeljenju za informisanje Vlade TK-a.